

抄印北京國立圖書館儲藏朔州舊志殘本

民國廿五年九月

朔州誌序

州之有誌曷昉乎昉于歷代之
有史也代非史無以跡朝野之
治忽鏡人物之臧否驗政事之
脩墜綜風土之饒瘠故古君子
舉綱張目考義就班文辭一軌

序

一

於雅馴述勒一書俾後之覽者
悠然會心不啻親拱揖于其時
也遐稽作者遷固由來尚矣降
是廬陵涑水纚纚洋洋斯皆卓
乎其選已後之郡國州邑規其
義類而成誌尸厥任者或臨屆

之游宦或土著之達人銳然以
興起斯文為責耳而目者咸筆
于書凡其地之名宦鄉賢忠貞
孝烈城郭宮室田賦均徭文藝
灾祥靡不採輯而表章猗歟校
讎一成其裨益豈渺淺哉救時

序

二

之材知所矯革考古之彥迪其
見聞高曾遺之子孫不生耳食
之嘆篇帙播之遐邇可當卧遊
之觀胥于是誌焉賴之然文不
務其華惟其雅體不務其竒惟
其當事不務其誕惟其真目不

務其踈惟其備倘不出乎此而
一切苟為炫觀美駭聽覩者以
是號于人曰史才史才則未也
余持斧按山右之四郡上谷雲
中前此之例不與會

新命萃而責余一人之身故厥宇

序

三

得一一攬轡而周咨焉巡雲中
諸屬臨朔州之墟覽其形勝驄
馬徘徊曰美哉真表裏山河也
顧又復念此州以兵燹之餘城
郭人民半非疇昔其誌猶有存
焉者乎事竣回晉陽此州侯牧

者果脩舉憲綱祀典之成更欲
重釐州誌丐余言以弁其端竊
自循省是役也義不可辭且董
率屬僚補緝缺畧夙志者匪伊
朝夕矣豈其任相遺而顧謝之
耶輒忘其固陋罔恤乎糠粃之

序

四

譏綴以數言且併為俟牧勗曰
事實勿虧乎前義例勿損于舊
且蹲鴟雌霓之辯亟與正之剝
蝕漉沒之餘亟與增之前所謂
華其文竒其體誕其事踈其目
者槩使勿進若雅若當若真若

備者編訂之間蓋亦三致意焉
至夫朔之利病於何興除媿惡
於何懲勸通變不倦以煥一隅
之新猷匪異人任侯牧苟勉旃
是言余必逆知來者之畢望而
遠志矣庶幾附朔誌而並不朽

序

五

云

賜進士第巡按山西兼管屯田監
察御史加一級前內翰林國史
院庶吉士濟南伊闕撰

朔州誌序

朔為邑遙控長城外連大漠古
墩野戍迴環盤護雖僻在一隅
實邊陲要害其牽綴殫壓關繫
倍他州也往昔逆姜播虐虜劉
人民朔生齒之繁文物之盛變
蕩彫落大異厥昔

朔州誌

府序

一

皇清湛恩濺澤與民更始十餘年
生聚教訓漸見王道之成然兵
燹之後記載闕焉國有史邑有
誌徵古今存美刺也郡大夫侯
君慨然曰是余之責也夫因於

治政之暇力任其事旁搜校核
三載告成余覽之卒業其所謂
勿華而竒勿誕而踈昭然具在
真良史才也夫學者折衷孔子
昔春秋以筆削進退植網扶倫
春秋絕而為史史散而為誌則

朔州誌

府序

二

一邑之誌考其記載可以知時
世之盛衰教化之媿慝忠孝節
俠之隱而弗彰者藉誌以傳奢
儉制度之沿而非法者藉誌以
正吏茲土者大書煌煌俾千百
世指而循之猶得謂某也賢某

也否凡有位者惕然有聲名久
遠之懼則宣

王化淑民情恪官守誌誠不可一
日闕也是役也侯守遷秩南服
以余雲中數載與聞始終屬余
為序余惟採撫筆削侯君之力

朔州誌

府州

三

余何敢掠然余因披覽誌乘翼
然于尊

天王敬百姓也後之君子尚其邁
哉是為序

中順大夫知大同府事東牟蔡
永華撰

重修朔州誌跋

朔雲中支郡也自己丑屠殘室
廬燬廢人煙幾斷丙申之春屏
受事茲土見城郭規模居然名
區而荒涼景象慘人心目竊意
循覽往蹟勉圖修復必文獻乎
是徵乃詢舊誌僉曰亡矣搜索

跋

一

數年得殘缺一二冊欲窺全豹
無由幸故老猶有存者尚能言
往昔事失今不修足徵不益難
哉歲戊戌

按臺伊巡省雲鎮屏以此上請首
可之因賜弁言諭以雅而當毋
華而竒真而備毋誕而踈屏不

辭謏陋即擬竭蹶從事適有州
衛裁併之議

命尚未下因思州與衛分民而治
有年矣一旦裁而併之是又一
番開闢也可不敘述以誌沿革
且事有尚需申請釐定者何敢
造次入編今里甲賦役粗有次

跋

二

第始與紳衿中老成博洽者共
襄厥事彙編入帙至其分卷列
目一依舊誌為式即所謂雅者
當者真者備者未必有合然所
謂華者竒者誕者踈者務憂憂
乎去之期無負
臺之教云爾載考州誌初自州

守李君邦直踵而修之則有畢
君鸞許君爾忠最後為翁君應
祥皆一時名流稱著作手屏何
人斯敢為效顰但以數年前朔
之蠱壞已極而今又值亨屯之
始不可使後之人無所取徵焉
故僭為編次以作傳聞之郵若

跋

三

夫興革勸懲竊亦有志柰力弗
逮何請以俟後之君子

告

順治歲次庚子季夏之吉朔州

知州關中侯 樹屏 謹識

朔州誌凡例

一按山西省誌式遵一統誌朔隸山西則州誌當唯省是式夫省誌古晉之乘也出自董狐司馬氏筆為後世作史者祖鼻總目凡二十其義正其文簡而不俚無可議者故舊誌編門分類一以為稽今仍因之即間有商補不敢作聰明亂舊章也

一疆域星野不有圖考何以審形勢察祲祥而為制馭修省之記故繪以圖而詳其說為卧涉方朔州誌凡例

輿坐觀乾象者便考鏡也

一朔在禹貢為綏服非龍盤虎踞之區即漢王信請治馬邑偽劉武周竊據鄆陽非正統也明嘉靖間分封樂昌王自代邸入朔衣租食稅凡三世焉舊誌書爵書位列一義于公署之上今則刪之而姑為統論俾後有所考也

一職官朔明初曾設軍門未幾移駐陽和嘉靖間添設兵憲糧府衙門今奉裁焉唯存州衛分治軍民因邊陲近成腹裏又裁衛併州故誌之俾

後人知沿革所由也

一省誌有襍誌所錄祥異仙釋及諸襍事朔無仙釋亦無襍事可紀故特以祥異誌之俾守牧者知所恐懼修省也

一文章舊錄太繁至收司牧薦獎卷軸及舊有誥勅綸言殊非誌體故悉刪之唯於學校壇廟碑記及忠臣孝子節婦傳錄與諸名公題詠有關風教者或緣文以紀事或因言以徵誌稍存之非獨省繁文所以崇大體也

朔州誌

凡例

二

一誌分六卷各有總目目各有說間有小目引列於總目之後以悉總目之所未及舊俱一例書之嫌於無辨今於總目特用大書小目則照常書之所以一體裁也

一舊誌有說有論今刪論存說內有不合時宜者刪補之類取切於近事即不係總目者亦各為說所以註事實也


一纂輯新誌逸其文者猶存其名不敢埋沒往蹟載其事者必考其實亦不敢阿諛時事總以去

繁就簡傳信不傳疑有識者所當共諒也

朔州志

九

三



朔州誌目錄

卷之一

輿圖

沿革

星野

卷之二

山川

土產

田賦

戶口

風俗

祠祀

卷之三

公署

職官

名宦

鄉賢

朔州誌 目錄

一

卷之四

學校

選舉

人物

卷之五

古蹟

祥異

武備

卷之六

藝文

朔州誌卷之一

朔州知州方叔喬重修

學正楊弘祖參訂 郡人孟昭 採輯

輿圖

王制職方氏掌九州輿圖以時地利周公營洛平
來獻圖漢帝入關先收圖籍誠重之也朔逼邊
陲咽喉冀并而肩背幽燕西北一大扼塞也不
有圖考將何以審利而圖便哉故首及之

朔州誌 卷之一

二

